

黃黑一本云竹節參亦仿之文是所謂竹節三七者也又有長直而縱交者是所謂人參三七者也又有圓根如珠參者皆與廣參同是三七之形色味並不異於廣參者也而李東壁唯言竹節三七與團如白芨者張路玉言三七廣產形如人參者是有節者非陳振先言三七有數種羊腸三七竹節三七謂之水三七人參三七從新有此名羅蔔三七謂之廣三七又云旱三七集驗良方據張陳二氏之說則似言人參三七是廣產竹節三七非其產猶人參有竹節有直根而其種自別然東壁中立皆言有節者為廣西之產而古渡中亦有本根上連竹節者則不當別為二物矣其陳氏言三七有數種亦唯以名之多為言非實有多品也向有清賈進大孩兒參二枚於官者鑒藥家皆言廣參也其長近尺濶逼寸是所以人參三七有羅蔔三七之名也古渡三七中有粗大如節參者恐當為此等盧頭耳今也緣遠參之價躍貴寒素者無由可供藥用故病家皆喜廣參之廉舉世尚之醫人亦循俗用之非無其驗故今以大行以為補藥然此品原治血分之聖藥也嘗聞門生某治肺癰日久既吐血塊升許七日幾死者及折傷流血如湧三日不止氣衰色變諸藥無効者皆用之有速効其餘赤白痢疾吐紅鼻洪產後血暈一應失血用之無不有効而又兼有溫補之績故今世醫權代用人參亦奏其効寒素輩多得賴焉然非御種真韓人可比類也而廣參治血兼補即是三七之効驗也故諸本云三七性溫陳士鐸云三七止血而兼補矣是皆廣參之効驗不異於三七者也乃知清賈所謂洋參非真參而三七也者非虛言矣而數十年來帶至之廣參其員幾巨萬不可勝計焉愚嘗疑是必其地所蕃殖之草根而決非遠境深谷之物也於是詳其所出李東壁云三七生廣西南丹諸州番峒深山中略下

〔憲教類典四ノ十一〕寶曆十三癸未年八月廿日

一廣東人參商賣之義向後堅停止二候間此旨岐度可相守候

右之通可被相觸候

八月